

嘉慶廬州府志

廬州府志卷三十二

文苑

許子威

伍裔

姚鉉

胥致堯

楊寘

朱翌

楊傑

李冲元

李臺卿

阮美成

焦蹈

李公麟

呂士元

王之道

吳君

張子和

潘純

吳志淳

郭奎

胡聰甫

祝淵

宛杲

邢寬

朱信

何敬

祝富

胡鐸

祝峻

曹鑲

孫昱

沈桂

程式

高誨

黃道年

王藿

朱合明

桑宏 郭士豪 季夢蓮 孫荆

夏寅 黃道月 黃道日 張第

李錢 王永年 陳系 何允麟

龔孚肅 高效愷 王寢大 蔡世符

龔鼎孳 許裔禱 李秀 昂紹善

許孫荃 秦咸 陸龍騰 王哀

朱俊 李菴 任天毓 孫昌裔

黃中 任光世 李孚青 朱乘

任銓 夏起敏 高明 宋衡

孫維祺 黃位中 朱世濂子廣 季步駟

周命佐 王履同 吳寬 趙獻

何大觀

陳廷樂

鍾成樂

吳世基

汪國璿

劉廷時

吳成章

沈志彬

朱瑞昌

湯士珪

弟士琬

傅時因

弟時海

吳之聯

劉寅

沈邁

吳元桂

何鳴

何天復

吳晟

韋尙賓

錢璿

田寶發

王漣

龔朝聘

黃培

孫宗灝

陳延炯

袁國鳳

沈可一

盧之玖

李旭

侯坤

曾鼇

汪有典



廬州府志卷三十二

賜進士出身廬州府知府溫陵張祥雲主修

文苑

漢

許子威廬江人西漢末爲中大夫光武少時從受尙書

廉

志

五代

伍喬廬江人性嗜學以淮人無出已右者遂渡江居廬山國  
學苦節自奮一夕見人掌自牖隙入署讀易二字忽不見  
喬大歎異輒取易讀之探索精微越數年山中浮屠夢仰  
視見大星芒色甚巨傍有人指之曰此伍喬星也既覺訪

得喬罄橐予之喬出與郡計明年春試畫八卦齋後望鍾山詩是歲同試數百人初中有司之選者必延之升堂而加慰飲焉先是宋貞觀登坐張洎續至主司覽程文遂揖貞觀南坐而引洎西首酒數行喬始上卷主司讀之驚歎乃徙貞觀處席北洎居南喬爲賓首覆考榜出喬得第一洎第二貞觀第三時稱主司精於衡鑑元宗命勒喬文以爲永式署宣州幕府考滿遷考功郎卒於官

馬令南唐書

宋

姚鉉字寶之廬州合肥人太平興國八年進士甲科解褐大理評事知潭州湘鄉縣三遷殿中丞通判簡宣昇三州淳化五年直史館侍宴內苑應制賦賞花釣魚詩特被嘉賞

翌日命中使就第賜白金以獎之至道初遷太常丞充京  
西轉運使歷右正言右司諫河東轉運使上言曰伏見諸  
路官吏或彊明莅事惠愛及民者則必立條教除其煩擾  
然狡胥之輩非其所便候其罷官悉藏記籍害公蠹政莫  
甚於此禮云其人存則其政舉其人亡則其政息又語曰  
舊令尹之政必告新令尹斯實聖人之格言國家之急務  
也欲望所在官吏有經畫利濟事可長久者歲終書歷受  
代日錄付新官俾之遵守若事有灼然匪便聽上聞俟報  
改正詔從之咸平三年河決鄆州王陵埽東南注鉅野又  
淮西城中積水壞廬舍以鉉知州事徙州於汶陽陽鄉之  
高原委以營度許便宜從事工畢加起居舍人京東轉運



使徙兩浙路鉉雋爽頗尙氣薛映知杭州與之不協事多  
矛盾映撫鉉罪狀數條密以聞貶連州文學吉州之萬安  
抵虔江有贛石舟行其中湍險萬狀鉉過感而賦之以自  
況大中祥符五年會赦移岳州又移舒州俄授本州團練  
副使天禧四年卒年五十三鉉文詞敏麗善筆札藏書至  
多頗有異本兩浙課吏寫書亦薛映所掎之一事雖被竄  
斥猶儲夫荷擔以自隨有集二十卷又採唐人文章纂爲  
百卷目曰文粹卒後子嗣復以其書上獻詔藏內府授嗣  
復永城主簿幼子利俊穎美秀頗善屬辭裁十歲卒鉉紀  
其事爲聰悟錄人多傳之

宋史列傳

胥致堯合肥人少力學能文衛初爲三班借職後至左班殿

直歐陽修志其墓子以才稱

康熙志

楊寔字審賢察之弟

宋史楊察傳合肥人

少有雋才慶歷二年舉進士

京師試國子監禮部皆第一既試崇政殿帝臨軒啟封見名喜動於色謂輔臣曰楊寔也遷擢第一公卿稱賀爲得人授將作監丞通判潁州未至官持母喪病羸卒特詔賻恤其家先是其友夢寔作龍首山人寔自謂龍首我四冠多士山人無祿位之稱我其終是乎已而果然

宋史文苑傳

朱翌字新仲舒城人號潛山居士政和間進士時人諱言詩翌獨沈涵六藝文思颺發南渡後爲中書舍人掌書命文章寔顯於朝忤時宰謫曲江十有四年旣而北歸詩益老

文益奇著潛川集三卷 康熙志

楊傑字次公無爲人少有名於時舉進士元豐中官太常者數任一時禮樂之事皆預討論嘗議玉牒帝系自僖祖而上世次莫知則僖祖爲始祖無疑宜以僖祖配感生帝又請孝惠賀后淑德尹后章懷潘后皆祖宗首納之后孝章宋后嘗母儀天下升祔之禮久而未講宜因慈聖光獻崇配之日升四后神主於祖宗廟斷天下之大疑正宗廟之大法由是四后始得升祔神宗詔秘書監劉几禮部侍郎范鎮議樂几請命傑同議傑言大樂七失竝圖上之神宗下几鎮叅定鎮不用傑議自制樂成詔褒之哲宗卽位議樂又用范鎮說傑復破鎮樂章曲名宮架加磬十六鐘磬

之非又論鎮以黑黍用秬制律銅量叩之不合黃鍾以世  
無真黍用太府尺爲樂尺下舊樂三律詳具樂志傑在神  
宗時與鎮異議至是復攻之鎮之樂律卒不用元祐中爲  
禮部員外郎出潤州除兩浙提點刑獄卒年七十自號無  
爲子有文集二十餘卷樂記五卷

宋史文苑傳

李冲元字元中舒城人紹聖中爲宜春司理到官獄訟衰息  
日以賦詠自娛嘗撰鞠城等銘刻石以傳冲元與蘇軾友  
酷嗜浮屠學黃庭堅每至袁郡必畱與冲元論禪或逾月  
而後去諸銘見袁州志

康熙志

李臺卿字明仲廬州人貌陋甚性介不羣而博學彊記罕見  
其比好左氏有史學考正同異多所發明知天文律歷千

歲之日至可坐數也蘇軾謫居黃州臺卿爲麻城主簿因識其人罷歸卒軾有詩弔之見集中

康熙志

阮美成字閔休舒城人元豐中進士自戶部郎謫知巢縣爲政愷悌移守郴州喜吟詩號爲阮絕句

天下名勝志

焦蹈無爲人通經史百家嘗四首鄉舉元豐八年禮部貢院火改期別試蹈爲大魁京師諺曰不因南省火怎得狀元焦

天下名勝志

康熙志蹈首鄉薦由省元登第蓋三元也越六日未授官還卒出狀元考

李公麟字伯時舒州人

東都事略作舒城人

第進士歷南康長垣尉泗

州錄事參軍用陸佃薦爲中書門下後省刪定官御史檢

法好古博學長於詩多識奇字自夏商以來鍾鼎尊彝皆  
能考定世次辨測欵識聞一妙品雖捐千金不惜經聖末  
朝廷得玉璽下禮官諸儒議言人人殊公麟曰秦璽用藍  
田玉今玉色正青以龍蚓鳥魚爲文著帝王受命之符玉  
質堅甚非昆吾刀蟾肪不可治珮法中絕真秦李斯所爲  
不疑議由是定元符三年病痺遂致仕旣歸老肆意於龍  
眠山巖壑間雅善畫自作山莊圖爲世寶傳寫人物尤精  
識者以爲顧凱之張僧繇之亞襟度超軼名士交譽之黃  
庭堅謂其風流不減古人然因畫爲累故但以藝傳云

宋史文苑傳

按王偁東都事略云李公麟舒城人此書在宋史前典核

可信今據此入志又舊志公麟二弟公寅元中一統志作公權公寅又云李元中與公麟李亮工同時登第時號龍眠三李

呂士元巢人資質豐偉學問該博哲宗元祐丙寅立十科舉士法士元上疏懇切未報後累試不第憤然曰當今蔡確章惇等四害未除吾等困老田園於世無補何生爲乃抱書至東山二里許投橋下死朝士王巖叟朱光廷等咸惜之里人因名其橋曰抱書

明隆慶志

王之道字彥猷無爲人剛直尙風節宣和進士與兄之義之深同科名其堂曰三桂晚官樞密使封魏國公贈太師有相山文集二十六卷詞一卷嘗夢帝命之曰以爾有功當

錄其後子十人仕者九人邁至戶部侍郎

康熙志

吳君史逸其名或云儔敦行篤學以明經著稱晦庵先生知南康軍闢書院招延來學以書幣請吳主教事於廬山之

白鹿洞

康熙志

元

張子和舒城人進士任宿遷主簿有詩名

康熙志

潘純字子素廬江人少有俊才游京師一時豪貴爭迎之嘗著卦辭諷切當時因以滑稽中禍亡徙江湖間挈妻子寓東吳日與諸人觴詠爲樂詩極精麗其弔岳武穆近體曰海門寒日淡無輝偃月堂深書漏稀萬竈貔貅江上老兩宮環佩夢中歸內園羯鼓催花發小殿珠簾看雪飛不道



帳前胡旋舞有人行酒著青衣當時稱誦後應越中高太尉辟行次蕭山道中卒葬西湖岳王墓側

康熙志

吳志淳字主一無爲人元時歷官靖安都昌二縣簿濠泗兵起徙家豫章後居鄞之東湖奏除待詔翰林爲權倖所阻明初遂不仕工詩古隸學孫叔敖碑劉本仁有贈隸書吳判簿詩草隸競推吳太史以其先官縣簿而後除待詔也

康熙志

明

郭奎字子章以字行巢縣人少游余忠宣公之門青陽遺集其所藏弄也元末仗劍從軍徧遊大江以西及燕趙淮楚間思親戀國之心發爲詩歌音節悲壯每從江湖間瞻望

飛雲輒泣然淚下因題其集曰望雲金華宋謙新安趙訪  
咸爲之序朱文正開府鎮洪都聘爲叅謀

康熙志

胡聰甫舒城人洪武初授本縣教諭博通今古和厚有長者

風

康熙志

潘植字公年廬江人洪武時以秀才舉判廣安州公勤廉介  
尤長於辭翰著有擊壤集

縣志

祝淵字季深舒城人洪武戊辰進士邑當兵燹之後民不知  
學淵資性英發弱冠登第授兵部主事永樂間蜀王之國  
選爲祠官王器重之題其書室曰芝蘭軒學士劉三吾爲  
記遷龍游令多惠政陞國子監監丞

康熙志

宛杲字彥昭廬江安豐鄉人讀書通世務尤好施予永樂中

以行誼推爲教讀鄉邦子弟多所成就年旣高子琮輩構  
晚翠樓以奉昕夕邑大夫歲行鄉飲禮爲大賓卒年九十

餘

康熙志

邢寬字用夫無爲人博學工詩文永樂甲辰進士廷對策兵  
戎考究詳悉議論醇正擢第一由翰林院修撰進侍講正  
統朝纂修宣廟實錄賜文綺銀鈔景泰二年陞侍讀學士  
卒於官上甚悼之遣知府史濡諭祭

康熙志

朱信字以誠合肥人惇行立學事親篤孝正統辛酉鄉薦以  
經學知名授南安府學教授有樂度三聘爲鄉試考官龍  
給事源嘗推重之

康熙志

何敬字允恭合肥人謙謹和易刻勵向學成化間歲薦家居

每旦必衣冠拜天地祖宗以及先師正襟危坐課諸生以孝弟爲本文藝次之任延平府知事卒於官旅櫬歸江中遇風舟楫欹斜其妻撫棺泣曰天乎吾夫素行若虧宜遭此厄少頃風波頓息

康熙志

祝富字堯臣舒城人博學工詩成化丁酉舉於鄉中會試副榜第一除伊陽教諭三校省闈由國子學正遷伊府長史悉心輔導時宗室以事忤王立能辨讐累階至嘉議大夫所著有默然集

康熙志

胡鐸字君求舒城人孝友直方廬父墓三年當途交薦後開輔仁講會闡明正學四方就教者以千數

江南通志

祝峻字具瞻舒城人安貧立學授生徒數百人門下士多顯

者任金鄉訓導豈弟作人人戶祝之歸田怡老年九十卒

康熙志

曹環字順卿巢縣人勛臣貴之後宏治辛酉與弟琥同鄉薦  
學有本原操嚴冰蘖署教諭及卒門下士咸思慕之不能  
忘

康熙志

孫昱字世燾合肥人鄉賢鎮之裔也正德中以貢授崇陽訓  
導日夕坐齋中教士不一至縣衙守令以是特優禮之閱  
六年賦歸

康熙志

沈桂字仲木無爲州人少潛心理學從湛若水鄒守益諸儒  
往復論難嘉靖間進士鄱陽知縣改會昌撲滅山寇有功  
遷工曹誤列黨籍未任卒著太極圖說詩文若干卷

康熙志

程式字元一合肥人伊川先生長子端中十一世孫宋靖康中端中知六安軍死於兵葬廬州子孫遂家焉式能文章尤工小楷登永樂間鄉薦以楷書應辟爲宛平令多善政後以親老告歸教學於廬之西鄙晚年精通易理著有易理通解採訪事實

高誨字廷弼合肥人宏治辛酉舉人授青城知縣陞萊州府通判政事文學當途交薦擢知養利州辭不赴家居清素耽詩賦有泰山覽勝諸刻康熙志

黃道年字延卿合肥人隆慶辛未進士授江西南城令丁艱補天台令旋擢漢州刺史所在有異政賦性耿介歷宦數十年僅至五馬解組後怡情山水蕭然高寄不問家人生

廩所得金隨手散去貧交待以舉火者甚眾有中庸正解  
二十一史駁浮槎山房詩稿行世 縣志

王蘊字侶葵合肥人兒時言笑不苟及長究心濂洛之學以  
恩貢任臨清主事督關悉屏陋規以廉介見稱著有書經  
便覽行世海內宗之 縣志

朱合明字敬之無爲人國子生豪邁自喜捐千金給貧民俾  
助城守好學工臨池藏書萬卷悉經校閱著看劍集 康熙縣志

桑宏字治寬舒城人治禮記仕至大理寺評事祀鄉賢 縣志

郭士豪字光斗舒城人能文晚與章大力艾東鄉陳大士爲  
文壇四傑嘗刻燭詠蝶頌成百首時稱爲蝶公事親純孝  
由明經特薦任御史仕至金衢兵備道所著有五先彙行

世縣志

季孟連字叔房無爲州人博覽羣書不屑事舉子業詩詞甚富與董思白陳仲醇諸人同時刻集頗亦見稱晚年構月當樓積書至萬卷

康熙志

孫荆字子楚合肥人鎮之裔也少遊吳著述頗多所纂廬陽文獻志慎重少許可得史家遺意

康熙志

夏寅字時正廬江人少聰穎篤學萬歷壬子春有鳩巢于軒是秋獲雉因號鳩軒謂鳩性拙與已樸誠相似也通判岳州有糧長失風漂沒漕米計罄產不足償寅捐俸代完二百二十金以豁其罪去岳之日行李蕭然詩橐散軼不存

康熙志



黃道月字德卿合肥人萬歷丙戌進士官中書舍人居恒慕司馬長卿蕭疎俊朗殆神仙中人也詩文清妙都無塵俗年三十九卒所著散軼不存

康熙志

黃道日字荆卿道月同母弟也舉於鄉入國子監讀書爲一時名流推賞工翰墨行草俱爲世所珍今多贋筆真迹端疑雅重識者能辨之

康熙志

張第字次崖巢縣人司教西安步趨嚴飭文辭莊雅爲一時後進所宗

康熙志

李箴字華仲巢縣人天啟辛酉舉人崇禎間廬江災荒箴以謁選入都慨然具疏請加軫恤署沂州學正所著有四書

講嘯月集

江南通志

王永年字雪壺廬江人崇禎恩貢授中書舍人博雅工詩文喜獎誘後學值歲旱取質券盡焚之著雪壺集若干卷子

鳳鼎進士

康熙志

陳系字虞耳合肥人崇禎初以貢入太學有文名庚辰授太原令改教婺源俱未赴

康熙志

何允麟字麟兮合肥人年十五六以文名殊不屑也瀟灑歷落冠至登陴爲諸將畫城守計積然以詩酒自放年三十

卒

康熙志

龔孚肅字尹達承先第三子家世仕宦孚肅獨耽淡素被服儒者豐姿偉幹磊落出羣工詩文善書畫歲飢倡賑多所

全活卒祀鄉賢子鼎孳

康熙志

高效愷字虞咨合肥人性敦樸絕浮華縣令方應庚約諸生有才名者會文香花墩效愷堅請入會方勉許之然究與諸生異視也是秋鄉試卷爲方所得比拆號見姓名欲乙之主司不可遂填榜末後理汾州知武定州居官清謹民戴其德

康熙志

王寢大字幼章合肥人崇禎丁丑進士事繼母撫異母弟五人內外無閒言乙亥守城親冒矢石皖撫史可法重其人一時機務悉諮以行再任知縣擢南吏部郎家居三遇旱蝗竝捐資助賑其規畫荒政甚詳嘗謂史爲古今第一要義春秋史法之祖通鑑綱目羣史之會故二書皆其畢生精力所萃有春秋說史綱鈔累數十萬言制藝亦卓然名

家 康熙志

蔡世符字貞符合肥人十四遊庠每試輒冠曹偶著作甚富性英敏多才畧崇禎乙亥寇至與同社諸生百計防禦城賴以全 縣志

國朝

龔鼎孳字孝升合肥人明崇禎甲戌進士歷官兵垣順治初召用迄左都御史再謫再起歷刑兵禮三部尙書鼎孳洽聞博學工詩古文爲士林所推 江南通志

許喬蘅字杜隣合肥人少孤事母至孝善屬文尤工楷書順治甲午科拔貢以養親不仕閉戶著書肆力於古文詞所著有二樓詩集 縣志

李秀字秀升舒城人負性瀟灑喜讀書論古詩情溫 and 秀麗與龔宗伯爲筆墨交倡和極多甲午拔貢年六十餘卒於

家

縣志

昂紹善字元長合肥人性穎異博通五經豫章熊雪堂令肥拔冠多士順治辛卯成五經監臨上官鉉異其才疏薦於朝以恩拔領甲午北闕鄉薦康熙丁未成進士

縣志

許孫荃字友蓀合肥人庚戌進士幼篤學尤肆力詩古文詞選庶常一時館課稱著作手改授刑部主事時值滇黔之變株連者甚眾孫荃爲平反全活數百人陞戶部郎督通漕以廬衛爲桑梓地代納旂丁積負報最奉命督學陝西捐俸修學宮及張橫渠先生祠以親老乞歸未幾卒著有

華嶽慎墨堂諸詩集于夢麒貢士有文名

康熙志

秦咸字虞桓合肥人寵之曾孫以明經入雍棗考中書第一  
負性豪邁學問淹博好客揮金不樂仕進關潭影園築酣  
絲亭於池上栽花種竹日與名流唱和著有潭影堂詩前  
後燕遊草等集行世其長子篆邑諸生氣度瀟灑家學淵  
源四方乞詩文者無虛日著有抹雲亭詩餘行世次子龍  
文詩文清妙尤工書法康熙間與高士奇同官年未三十  
卒少子鳳文國學生孫宗景郡諸生俱以能文名

康熙志

陸龍騰字雲樓巢縣人貢生與修縣志能詩翼宗伯雅重之

亦善書法

康熙志

王袁字石倉合肥人庚午鄉魁捷南宮出爲商河令邑故多

盜哀持法廉恕四境肅然以終養歸事母至孝性嗜古居  
嘗誦讀不輟詩文清超絕俗著有冰翠堂集行世縣志

朱俊字仲文廬江歲貢文格超妙生平構制藝近萬首多散  
帙不存縣志

李菖字中沚合肥人篤行好學博極羣書性恬退不樂仕進  
爲士林所矜式妻陳氏因流寇入室不辱死菖不復再娶  
所著詩集十餘種已刻有辰懷軒詩文集行世縣志

任天毓字毓生舒城人五歲能誦詩稍長博綜墳典工染翰  
邑令西蜀王民懌試童子奇之爲諸生每試冠軍文譽播  
四方後入成均循例考授縣令不就縣志

孫昌裔舒城人少穎異所著詩古文詞一時紙貴縣志

黃中字平子舒城人蕭山令應宮子十歲能文順治丁酉舉於鄉

御試體仁閣乾卦齋說瀛臺賦平定湖南露布數千言立就晚

年絕意仕進讀書澄塘別墅輯有程朱語錄年譜方輿紀要著有雪瀑集論文瑣言

縣志

任光世字昭茲舒城人康熙癸卯舉人嘗於京邸宴集刻燭成詩傾倒座客一時名譟京邑年未四十卒所著有舫園集

縣志

李孚青字丹壑相國文定公長子年十五舉康熙戊午順天鄉試十六成進士授編修充

政治典訓



玉牒類函明史四館纂修後丁父憂不復出家居孝友讀書務  
抉精奧爲文往復紆迴詩格似韋蘇州所著有野香亭集  
盤隱山樵集子昉林康熙己丑進士

採訪事實

朱乘字友閑舒城歲貢工詞章乞言者踵相接需次教諭未  
就卒

縣志

任銓

原姓注

字次臬舒城廩生博學工筆札爲文雄深古雅卓

然成家所著有樂菴集行世

縣志

夏起敏字滌九廬江諸生究心性理所著有霜林集

縣志

高明字聯岐廬江人詩境清麗晚年徜徉於山水間著作甚

富

縣志

朱衡字伊平廬江人康熙戊午登賢書第一乙丑成進士入

詞館歷侍讀學士長洲韓宗伯讀其文擬之葵陽具區其纂修三朝國史及撰顧憲成張柔等傳俱稱實錄同邑張公宏任殉寇難於嘉定州湮沒數十年衡視學蜀中特疏請祀名宦又嘗述先人言爲呂公學望立傳增入廣輿記於表揚忠烈尤汲汲焉

縣志

孫維祺字以介號起山廬江人博極羣書登康熙辛未進士令河間調徠水解組歸居林下十餘年閉戶著書落筆灑灑數千言立就論制藝尤多精識性至孝年五十居母喪啜粥茹蔬裹衣皆麤布爲之泣寒不易

縣志

黃位中字其相廬江人拔貢生爲學不事章句務在闡明經學文章古茂通秦漢而醇和淵懿則得之聖經爲多爲人

傲嶢有氣節嘗館於豪右豪宅隣鮑氏墳侵其地鮑訟之縣令受豪囑勘墓所不直鮑賴公白其枉鮑氏墓竟以獲全家雖貧而取予不苟所著有十七史考證或問語類性理諸書註釋素菴古文松雪閣時文

縣志

朱世濂字奕韋廬江人恩貢生學有根柢文筆淵茂得史漢氣息性恬泊寡營于廣佺邑廩生克敦孝友尤爲邑人推

重

縣志

李步騫字尾孫別號懶簋居士無爲人幼有至性母病劇潛入神廟祈減己齡增母壽遂霍然愈平生自負其經濟上書當事鬱鬱子衿中不得志其磊塊盡發之詩歌古文人多誦之

州志

周命佐字贊甫無爲人嗜學不倦絕意仕進僻處江濱窮愁  
抑鬱悉發於詩

州志

王履同字第來無爲人康熙甲辰進士好苦吟有郊島長吉  
之風授司理未仕卒著有秋潭集

州志

吳寬字敬五無爲人能文章豪邁不羈廣交遊持風雅酒盞  
詩筒往來無間晚年授廣西賀縣令卒於官著青遇堂詩

集州志

趙獻字方叔無爲人廩生工行草所著有讀易品藻二十餘

卷芝嶼集六卷

州志

何大觀字爾光無爲人貢生祿期伉爽一時名雋多從之遊

著有紺園集

州志

陳廷樂字子韶無爲人少卓犖不羣補弟子員文名噪一時  
晚歲結廬江上披誦其中無間寒暑尤善獎勵後進著有

樵通集行世

州志

鍾成樂字五柳無爲人諸生沉潛嗜學性恬適接物謙和著  
有尙友齋詩集孫伯重亦以詩名著有筆談小草

州志

吳世基字念祖無爲人光義孫性孝友嗜學康熙壬子癸丑  
聯捷成進士工書法行楷絕妙一時刊有四書詩經制藝  
行世其詩古藏稿總名一薪集

州志

汪國璿字衡玉無爲人康熙丙子舉人性至孝文名重一時  
人稱爲真孝廉

州志

劉廷時字若夏無爲人爲諸生有聲工草書尺幅寸楮人競

珍之

州志

吳成章字與公無爲人歲貢生工古文詩賦從弟觀周字季來有文譽康熙戊子舉人官中書

州志

沈志彬字文空無爲人順治壬辰進士授推官文筆英妙著有燕臺遊草

朱瑞昌字儀仁無爲人廩生篤學好義精詩古文詞著有楚遊草珠樹堂等集

州志

湯士珪字子將無爲人康熙時歲薦肆志邱壑放情詩酒著有山水清音集數卷第士琬字文玉廩康熙壬子歲薦與兄竝以詩著名

州志

傅時因字因誰無爲人少負俊才爲諸生有聲與兄時雍第

時誨似擅詩名著金焦遊草及偶然集

州志

吳之聯字一蜚無爲人十歲而孤奉母訓惟謹少穎悟喜讀

書工詩性高介著有南樓詩集

州志

劉寅字敬存無爲人郡廩生工詩爲文意見高卓著有踵息

軒詩集

州志

沈邁字辭懌無爲諸生性坦率工詩著有臥雪堂詩集

州志

吳元桂字秋岳無爲人少孤貧嗜讀書豪於游不樂仕進歷

三巴溯兩湖入都門足跡半天下而詩益富著有振華齋

集袁輯昭代詩針暨濡須詩志行世復與同志纂訂州乘

舉鄉飲介賓

州志

何鳴字雲友無爲諸生少有高才性恬退耽吟咏中年謝舉

子業益肆力於詩所居名耦莊手植梅百餘本日吟詠其

間著有耦莊草行世

州志

何天復字月驟號淡庵無爲人郡諸生詩歌原本漢晉其高

處直追陶謝著有淡庵詩集

州志

吳晟字敬感無爲人性穎異讀書過目輒不忘肆力經史舉業稱名家詩格規撫大蘇晚篤嗜少陵古文辭出入韓蘇

以副車終

州志

韋尙賓字于王巢人嗜學多聞風流豪邁工詩古文詞尤工草書晚年究心內典時人比之大蘇

縣志

錢琯字自西無爲人郡諸生襟期蕭爽耽吟不輟著有蕙圃

樵人集

州志



田寶發字梅嶼合肥人雍正庚戌進士壬子乙卯山東湖北  
同考官任徐州府教授天資穎悟尤工詩文名震一時著  
有玉禾詩集綠楊亭詩餘行世

王漣字修邇父華字秋岳休寧名諸生友教四方卜居合肥  
漣五歲能文性孝居母喪哀毀骨立乾隆癸酉舉於鄉以  
親老不赴公車教授生徒門下多知名士所著有四書正  
義易經正義還讀堂詩文集

冀朝聘字獻丹亦字澄庵合肥人性孝友家貧力學博極羣  
書乾隆辛卯成進士選授甘肅成縣知縣時四方軍流至  
者苦露處死者屢告朝聘至卽捐貲置屋俾得安棲所全  
活甚多蒞任未久尋被議去歸里後友教四方淮南北學

者無不知澄庵先生名刻有寶謹堂制藝行世

黃培字載鍾廬江人少穎慧下筆千言立就既冠益覃思經典不樂仕進成進士後卽歸里教授生徒宏獎後輩性和易無圭角而義利之辨甚嚴所著有斗南閣古今文集香巖續集

孫宗灝字昭仰廬江人博學篤志經學尤邃密多所闡發爲制藝造思曠文止間年四十絕意仕進閉戶著書所著有周易本義四書本義

陳延炯字耀文廬江人歲貢生少力學能文頗負時譽爲文耐深思能發難達之理紆迴淡宕顧艱於遇晚年司訓太湖著有鑒亭文集

袁國鳳字丹青無爲人性敏捷日課可數十藝著有求是集  
行世後任阜寧縣司訓卒於官

沈可一字次公無爲諸生博學能文著有遂洲詩集州志

盧之致字東玉無爲歲貢能文工書法授山陽訓導未任卒

李旭字旦初

本名庚

無爲諸生工詩元圖書集成校閱授薊州

判改兩淮鹽知事權儀徵通泰監掣泰州分司皆有政績

卒官

侯坤字礪石無爲遜貢工詩古文詞兼精書法館京師最久  
才名藉甚公卿間卒不第後授兩廣鹽經歷權廣州分府  
潮州鹽運分司大憲使需次者十數人師事焉卒於官

曾鰲字翰英無爲名諸生詩歌詞賦皆雋永可傳

汪有典字啓謨無爲庠生博通經史嘗考明忠義事跡各爲  
立傳著作甚富兩舉鄉飲賓年七十一卒



廬州府志卷三十三

仕宦

王 祿

史希賢

徐鑑

吳璟

謝憲

吳光宇

王欽

仰昇

吳來庭

盧泮

傅時勉

秦日升

朱芾煌

王興

任民望

龔鼎亨

任遵道

黃從善

王基

蔡于宣

王 紱

張國城

黃應庚

許明章

任振世

胡守欽

陳略

夏尙忠

甘廷杰

楊厥美

李夏盛

王鳳來

葛兆熙  
湯調鼎

謝舉安

程本道  
朱大復

盧之範

錢雲濬

李元正

齊宏

劉聲

宋祐

汪衡

阮應時

張植

沈汝蘭

徐國顯

楊詵

朱端

朱竑

黃應宮

會稽達

范大鵬

朱維世

龔士正

子志夔

倪岱

許齊卓

張先岸

任之鏞

高廷選

胡鈞

黃化

吳尙禮

黃思儉

廖鵬芳

譚應嘏

王杏舒

褚啟宗

曾璞

靳起柏

王會燕

周澗

趙壽朋

吳光庭

蕭際韶

蔡淮英

張拱

劉崧

廬州府志卷三十三

賜進士出身廬州府知府溫陵張祥雲主修  
仕宦

宋

王祿字叔永無爲州人嘉定閒知涇縣事歲有水患祿改建  
縣治於舊治之東二里留村邑人永享其利著有燕翼貽  
謀錄五卷言一代之典制頗詳

州志

明

史希賢字士功無爲人幼習吏事洪武初以吏員被薦赴京  
授湖廣瀏陽知縣時荆湖新附希賢至披草萊設治所招  
撫流亡諸公署學舍皆所勑立績滿民保留之後陞廣平



知府祀湖陽名宦

州志

徐鑑字明夫無爲人由歲貢入太學焚膏苦讀成祖夜微行  
聞書聲命左右記之次日召見嘉其有風憲體遂命按湖  
湘及蒞任糾劾百司藩府震懾按察使吳悅稱其廉明果  
斷視古之攬轡埋輪者不少讓後陞金華知府

州志

吳璟字定君無爲人天順壬午舉人授內閣中書任河南商  
城令恪謹廉明興利除弊士民賴之以知州卓薦不赴請  
告歸里

州志

謝憲字君弼無爲人性孝友尙氣節宗族貧乏者多周之任  
平洪縣丞民稱其廉平不苛嘉靖間倭寇竊發憲獻策數  
十不報因告歸子封嘉靖丙辰進士吏部文選司主事

州志

吳光宇字達可無爲人光義季弟任江北屯田道僉事按察  
司副使值歲祲民不能耕田多荒蕪捐俸爲備牛種農器  
民賴以耕告歸好義樂施嘗捐穀千二百石以救荒州志  
王欽字宗堯無爲人正德庚午舉人任山東齊河知縣純篤  
簡淨不以家累自隨齊人劉應龍稱其德立而度貞化行  
而惠普爲立碑頌之祀名宦州志

仰昇字晉卿無爲人成化乙未進士稟性直介爲兵科給事  
中以疏議宮掖事忤旨出爲按察使僉事尋轉大觀察歷  
陞河南左布政著有我軒詩集州志

吳來庭字道原無爲人萬歷丙子舉人任北直隸通州牧修  
學校建書院疏河渠勸民開墾擢刑部郎中諫大獄楊應

龍等多所省釋遷貴陽知府安集苗民爲政不阿權貴時  
國戚某與土司軍衛勾引劫掠來庭禽捕寘之法政令肅  
然陞銅仁兵備道

州志

盧冲號龍崖無爲人弱冠魁南闕萬歷庚辰成進士性耿介  
不畏疆禦司李延平多所平反知廣平府捐俸築閘濟柔  
百姓頌之陞四川副使平播賊有功以觸忤權貴致政歸  
地方利病多方調劑州人德之

州志

傅時勉字幼如無爲人天性醇謹繩趨尺步一言不苟以禮  
經著聲萬歷丁酉舉于鄉兩任宜賓松陽知縣廉介自守  
清苦若布衣時稱爲豈弟君子

州志

秦日升字東陽無爲人以歲薦任休寧司訓天啟六年魏璫

以黃山案籍沒吳守禮富家多所株連有監生吳姓者坐  
贓十萬郡守石程萬命吳賂日升三千金俾再坐一人以  
分其贓升拒不受謁石守曰天下事至此日升雖貧猶窮  
儒不願受贓枉法太守感其言懸印梁上夜半披緇爲僧  
去直指使疏薦之乃乞休居林下舉賓飲十三次

州志

朱芾煌字阿衷無爲人少有異質工詩歌古文詞崇禎甲戌  
成進士筮仕餘姚縣令再知山東樂安縣陞戶部主事權  
關九江尋陞兵部車駕司主事轉武選司郎中著有文禧  
堂集行世

州志

王與巢縣舉人任浙江崇德縣知縣愛民教士修廢舉陞調  
內江縣以憂去服闋補平原尋被召遷知廣安州知州修

學平賦稅均徭役明刑獄一時稱善治

縣志

任民望舒城人以明經選授宿州學博轉太平府教授日課士於謝公講堂及昭明書院絃誦不輟爲人孝友睦姻卒之日里黨莫不流涕

縣志

龔鼎亨字孝緒合肥人宗伯仲弟也性豪爽能詩文見知於邑宰熊雪堂補弟子員旋入南雍攝臨安學博署仙居縣篆民多踞山爲盜有願歸農者不敢擅還鄉鼎亨爲請於撫按給牌免死復資以農具全活者數千人歸里後築壘城南建稻香水明二樓與名流唱和無虛日著有稻香樓詩集行世

縣志

任遵道號時齋舒城人八歲能屬文以明經任江西餘干學

博以明道爲己任設臯比於九谿堂院訓士以明倫爲主  
遷浙江黃巖教諭再遷金山衛教授屢列薦剡以年老乞  
休崇祀黃巖名宦更立專祠

縣志

黃從善字三渠舒城人學本六經汎覽百家所在有聲以明  
經授新會縣佐拂衣歸里問業之士戶履恆滿

縣志

### 國朝

王基字維則合肥人孝義能文章熟諳韜略膽力過人年弱  
冠舉康熙丙午鄉試入都梁大司馬清標異之擢令隨部  
丙辰成進士殿試技勇第一以父艱歸起大嵩衛守備晉  
階都司抑權貴輯兵民屯政具舉士民戴之

縣志

蔡子宣合肥人順治乙酉舉人性溫和藹喜讀書尤工詩賦官

夔州司理多善政卒於官

縣志

王緯字又如合州人性樸直敦孝友順治丁酉領鄉薦教授徵郡訓勵生徒先實行而後文藝士習爲之一變遷東光令寬惠勤敏民感戴之以老疾告休攀轅者塞道

縣志

張國城字宗子舒城人康熙甲辰進士授粵之高明令時逆藩跋扈山賊蜂起國城抵任值盜掠鄢泔村請兵殲其首弁之與賊通者賊遂遁遁更圍練鄉兵招徠流亡請免徭役之累民者羅俊清谿尤多盜滅其巨魁餘悉改爲良民公餘則與諸生講藝論道士氣以振後引疾歸里舒人奉爲文獻焉

縣志

黃應庚字西有舒城人順治戊子舉明經授桂陽令桂陽徭

獐雞處素稱難治應庚示以忠信利害猛人悅服先是邑  
踰于熨羅民多流亡招徠安集不二年戶口以充力田登  
賦如初擢守遼州去任尋補嵩明州民困于役爲除其弊  
勤於課士文風爲之一變後卒於官

縣志

許明章字公斐舒城人順治戊戌成進士授廣東陵水令陵  
多逋賦奸胥叢弊明章蒞任冰蘖自矢正供外不溢絲毫  
又令民出穀米牛羊之屬爲平價鬻之收其值以償缺額  
民無逋賦在粵三年勤開墾嚴保甲除煩苛勤課試士民  
愛戴之後改德州管河佐因病乞歸卒於家年六十三

縣志

任振世字德長舒城人明崇禎壬午流寇陷舒父與賊遇以  
身扞父賊感而釋之時方總角也康熙癸丑成進士爲曲



周令釐剔刑政案無留牘囊無餘資禮師儒勸督課士習  
民風丕變漳流徙溢無常振世率民築堤水患永息邑人  
德之

縣志

胡守欽字君若舒城人太史守恆弟也以孝友聞由明經任  
廣東徐聞令徐聞多土豪守欽下車甫一月擒其魁治之  
邑驚爲神明時稱卓魯再見

縣志

陳略字石友舒城人事二親先意永志愛敬兩兄庭無閒言  
性好學善騎射康熙己未成武進士授新衛守備清屯裕  
漕恤災減派軍民便之設救生船于牛礮磯建鳳麓書院  
置田延師贍課貧士陞興化遊擊卅兵安民如在斯時以  
疾歸里子弟有藐孤多方教之不能婚嫁者助之凡修學

開河縣仇收溺骨諸善行倡先捐輸年六十八卒祀鄉賢  
縣志

夏尙忠字懷耿廬江人以父守富軍功襲百戶天啟五年授  
都指揮僉事次年調守歸德時響馬肆掠捕治平之崇禎  
九年調揚州守禦十四年陞海防遊擊值流寇海賊交訌  
防捍有法以功陞海防叅將十七年歷陞南京神機七營  
副總兵都督僉事是年十二月加陞中軍都督府右都督  
順治初隸曹提督營食俸候推後奉調驗以年老放歸縣  
甘廷杰廬江人以歲貢司訓太和課士有法捐俸卹貧士卒  
於官諸生爲之感泣

縣志

楊厥美字問義廬江人恩貢生令河南嵩縣嵩經寇掠室廬

俱盡城垣亦毀厥美下車卽捐俸修築又修邵程三夫子祠基詳請程子裔孫宗昌襲五經博士陞任荅州積勞卒於官

縣志

李夏盛字實符廬江人由理藩知事任浙江孝豐令在豐十七載催科有法斷獄持平調任嘉興醫家產爲民償積欠以老致政歸

縣志

王鳳來字羽翽廬江人孝友居家任卹鄉里教諭豐邑每受祿必奉以娛親其捐貲營建課士科條載在邑誌

縣志

葛兆熙字曙咸巢縣人博學工書畫以歲貢任常州訓導設條約講學論文師範肅然以愛去諸生繪像祀於文昌閣

縣志

湯調鼎字作梅舉縣人秉鐸滁州多善政

縣志

謝舉安字又石無爲人性孝友姿穎敏康熙庚辰進士授湖

南長沙縣令蒞政廉明勤求治理甫踰三月遽以疾終

州志

程本道合肥人康熙壬子拔貢戶部廣西司主事監督西倉  
多善政弟本正監生徵修一統志陝西興平縣佐攝咸寧

### 三水同官興平縣篆

朱大復字敦士無爲人康熙甲子舉於鄉考授中書改選休

寧教諭素性謹廉居官清潔兩署縣篆治事慈和凡有關

於學校者悉爲整理尤愛啟迪後進在休深得士心俸滿

陞國子監學正以老乞休回里之日囊橐蕭然襟懷自適

家居十餘年而終壽八十有五

州志

盧之範字讚士無爲人性孝友接人敦古道工詩文四六早年食餽以優行舉雍正元年應恩貢乾隆二年春任青陽教諭四年秋以病致仕歸家數日卒年八十有一

州志

錢雲濬字亦水無爲人性孝友幼稱神童年十二補諸生試

輒前列晚以歲薦任青陽訓導閱一載以病卒於官青陽

諸生至今思之

州志

李元正字會符廬江人以廩貢選太倉州訓導捐貲葺文廟構三益堂新雨軒於齋中日與名流觴詠月課諸生刻有婁東課藝遇寒士解囊助之憲委督賑惠周於民復捐私米百石助賑州民感悅以養母告歸友愛稚弟助之成名其詩有浹谿婁東諸集

縣志

齊宏字士猷號畊六無爲人選貢生工書得徐天池筆法年七十一授崇明教諭所積俸銀爲姪婚娶餘復捐修崇聖祠歸橐蕭然

州志

劉聲字羣卓號任庵無爲人廩生雍正丁未以保舉優行分發浙江試用收溫台海洋漁稅稅故無額每歲約以三千金爲準聲廉謹自持法寬而課減詳免漁民積欠八百餘兩有竹筏百餘每筏例徵銀八錢聲憫其風浪之險槩請豁免海民德之報滿題署寧海縣事卒于官

州志

宋祐字履祺無爲人雍正癸卯北闈舉人任四川內江縣行取刑部主事善折獄陞銅仁府知府調浙江台州府再改陝西漢中府湖南長沙府慈惠寬仁治績有聲歸里後藝

葉蕭然著有紀遊詩三十首

州志

汪衡字嵩鄰無爲人雍正庚戌進士任松江府教授立同文會課士風丕變修葺文廟署華婁二縣篆案無留牘人頌

廉明

州志

阮應時字數可無爲人任安廬道中軍守備征南山草賊有功陞孟河守備順治己亥海寇犯汎斬獲甚多陞四川冕

山營都司

州志

張植字樹茲巢縣人監生任福建建寧府通判改四川按察司經歷以軍功遷合州知州適西徵羅卜藏丹青騷擾巴塘等處奉委招撫勦合機左復贊理西藏軍務所在有勞績雍正六年題陞四川重慶府同知於雍正七年陞雅州

府知府 縣志

沈汝蘭字仲晚舉縣人順治辛卯膺歲貢選授秦州司訓時海寇薄城下汝蘭協力守禦嘗白諸生之被誣陷者七人

江南通志

徐國顯合肥拔貢生爲山西翼城令甫下車卽革陋規銀二千兩康熙三十三年翼大飢遣人至家取數千金賑之以卓異行取仕至布政司叅議

楊誥字介餘廬江人隨父之任父歿奉母歸卜宅城南孝養備至以明經司訓望江之任三月卒性素好義邑令倡修明倫堂及禮門義路誥率先佐助焉所著古文辭亦淵雋可喜 縣志



朱端字莊伯號容庵無爲人以明經授來安教諭陞蘇州府教授潛心於詩撫軍簡邱宋公舉深器異之屢舉卓異引年致仕歸著有寸知齋集

州志

朱竑字漪同號敬齋無爲人書法追董文敏以明經授沐陽教諭屢署縣事康熙乙亥黃河水溢漂沒民舍竑力上請免課散賑所活萬餘人著有啟秀軒集

州志

黃應宮字生徵舒城人順治初舉明經第一授蕭山令蕭山瀕海多埧田逋賦爲民累力請大吏永免之海多盜率健役擒其渠盜以平丁內艱歸林居二十年講學桃谿門下多知名士曾孫達字致訪乾隆丁卯鄉魁需次縣令以母老不赴立品端介晚就長洲教諭修學校培養士氣卒於

官蘇人士思其敎祀之名宦祠

范大鵬字圖南合肥人順治開由歲貢生任蒙城訓導陞遂平敎諭退賊有功陞遂平知縣

朱維世字穉張號季約無爲人康熙丙辰武科進士授雲南守備陞江南江北運蘆都司爲人質直有勇略在滇十餘年調兵訓苗無不稱善

州志

龔士正字伯通合肥人康熙丁酉副榜以蔭官工部郎京闈號舍舊祇苦蓋建議請易以瓦至今便之出爲僉事分巡湖南北驛鹽道軍旅疲敝言事者議減驛費士正執不可設救生船立程站民食其福署按察使釋株累甚多著有冬官條議露園集雪山唱和詩秋水軒唱和詞金楚齋郵

彙纂署臬爰書子志夔字孟典以附貢生官定遠教諭遷  
安仁令毀淫祀除田賦擠總包賠之害卒於官著有自怡  
集

倪岱字山宗合肥貢生雍正五年舉賢良方正授固安知縣  
署涿州事勤于政治恤士愛民捐俸賑飢寬免徭役以老  
乞休官彙蕭然著有望麓亭禽言偶然作詩集

許齊卓字武田雍正乙卯合肥拔貢福建德化知縣雪革生  
李志煜寬爲開復李是年卽中式移武平再移建陽修朱  
子祠墓置祭田其五經博士世襲久廢力爲詳請承襲又  
移龍谿築堤百關外以障水民不被災以老乞休歸里舉  
鄉飲大賓著有左傳三禮莊騷匪箋聽雨樓詩文集

張先岸合肥人十歲能詩中乾隆丙辰順天鄉試揀發浙江知縣署安吉州修築城垣振興文教有大吏私親某斃人命承讞者欲脫其罪先岸勘得實論如律大吏旋撫他故劾之歸里後當事有所興革嘗就諮焉著有雲錦集

任之鏞字虞鍾舒城人乾隆辛酉選貢任如臯教諭嘗奉檄賑飢踰原額中丞詰其濫對以舊例賑不及幼童今普給之費不過千金然爲國家廣無數生命矣中丞爲改容謝之復勘泰州水災坐扁舟遍訪疾苦全活甚眾後卓異薦擢竹山令亦以慈惠稱

高廷選字煥初合肥人乾隆甲子舉人任青陽教諭率紳士捐貲修葺學宮甲戌歲飢凡勘災給賑率羅諸務一秉公

正去任士民思之

胡錡字南濱廬江人歲貢生能文章屢試冠曹偶性廉靜恭遜未嘗矜己之長訐人之短以故人咸敬之晚年秉鐸涇川以文請質者屢滿戶外涇人沐其教澤旣歿爲勒石明倫堂有文集十餘卷

黃化合肥人中乾隆庚午武科任雲南曲靖鎮守備從征緬甸賊據萬仞巨石銅壁三關化力戰奪萬仞巨石時日已暮化料賊必來劫營整兵待之賊果至開壁出戰賊駭奔遂乘勝奪銅壁次年取新街滇省兵奉調者多染病不進率師者疑爲逃化查給病照全活甚多累遷尋雷營叅將染瘴歿

吳尙禮字履中合肥人乾隆辛未進士任湖北守備累官至  
福建福州城守副將以疾歸居家恪謹鄉閭推重焉

黃思敏合肥人乾隆癸酉拔貢補太和訓導後任六合教諭  
所莅之處盡心化導士習文風爲之丕變委辦太和河工  
勘阜陽亳州水災及廬江虹縣六合等處賑務廉勤自矢  
大憲交相重之著有賓月樓詩文集

廖錡芳字鶴餐合肥人山中書中乾隆癸酉舉人甲戌明通  
進士授廣西賓州牧賓民鄙陋錡芳教以禮法風俗遂移  
易丁內艱服闋補雲南賓川州牧疏濬城河商民便之歸  
因後與弟宏綸相友愛族黨無閒言先是父世瓊欲仿南  
雍製樂器於鄉學志未逮而歿錡芳與弟幾千金產卒成

父志

諱應騏字瑞徵合肥人乾隆丙子副榜考授州同發廣西試用初署休仁令休民向無恆業應騏令民習耕織創義學課生徒教養兼施後補梧州州判陞江蘇豐縣改湖北房縣時軍書旁午應騏率鄉勇討保康賊復其城撫恤招徠積勞致疾卒

王杏舒字倚雲合肥人漣次子乾隆己卯舉人任陝西高陵知縣調三原凡革陋規籌荒政杜絕奸商囤販善政甚多擢迪化知州以憂去服闋補廣西鬱林知州因病告歸不改寒素鄉評推之

褚啟宗字亮儕合肥人乾隆庚辰進士任青浦知縣慈惠公

平有叔姪爭產者姪鳴巨紳某爲緩頰啟宗毅然拒之其  
剛正類此待士子必以禮在任十年濬吳潞江修築城垣  
居財賦之區無苛索之擾民懷其惠載青浦名宦志

曾璞字其琢舒城人乾隆庚辰舉人歷任廣東知縣以明察  
著聲治博羅時飢民聚眾剽掠璞禽其渠勸化餘黨設法  
賑濟一邑以寧調海陽釋株累寃民無算卒於官

靳起柏字樹宗舒城人宏仕子以例貢任泉州別駕建石井  
書院崇祀朱子修古陵險道葺海尾西橋嚴禁博徒盜賊  
皆斂跡丁父憂服闋補東城兵馬司正指揮平心視事民  
無覆盆又巡視道途掩骼埋胔惠聲大著復丁母憂歸里  
後好行其德歲餼出千金以救荒又捐金八百於合邑以



助賑長子文莊字薪傳候選州同性慷慨能繼先志重修大成殿又修七門嶺建亭路側施茶以濟行人

王會燕字詒庭合肥人乾隆乙酉舉人由四庫館議敘歷署南和昌黎安肅定興等縣事時當差務絡繹會燕悉心區畫纖悉無誤在定興設義塾成就士類尤多後補鉅鹿去官歸里丙午歲旱以董理賑務得優敘越二年卒

周洞字酌遠舒城人以例授廣西太平分州有德政陞永康州調新寧興利除害所至有聲苗蠻婚娶民事媒妁洞導以禮義俗爲之變陞鬱林州以母老終養卒於家

趙壽朋字康旬合肥人山廩貢生例授訓導歷署含山六安全椒等學事含山諸生劉湘子貧不能娶壽朋資之完配

在桐城諸生有以細故幾褫巾力請學使得以保全居恆  
惟以古學勗士所至有賢聲

吳光延字榮階廬江太學生例授貴陽通判擢黎平知府城  
南南龍山爲故明死節何公騰蛟故里光庭爲購地建祠  
竝撰文勒石勅黎陽書院以教士士習一新後卒於官士  
民設位祀之

蕭際韶字鳴球本廬陵人後遷合肥中乾隆己丑科陳初哲  
榜進士入詞館充四庫國史館纂修庚子會試同考尋擢  
山東河南道監察御史巡視北城授坐糧廳陞禮科給事  
中丁母憂扶輓歸卒於揚州

蔡淮英字桐江合肥人少穎悟善屬文工書法乾隆乙酉科

拔貢

廷試第一分發河南授杞縣令禮士愛民任未久以忤上官被劾後省釋歸里杞士民郊送四十里入杞縣名宦志

劉崧字幹周巢縣人幼習儒業慷慨有大志由武庠授京口高資營千總尋擢都司嘗爲營兵置義冢壬子陞福山營遊擊調任瓜州瓜州頻年多火患乃建北極閣以厭勝之戊午陞吳淞叅將時洋匪作慝所在騷擾崧謂宜設兵以駐防會哨以策應軍府燧之嘉慶六年擢京口水師副總兵以積勞成疾卒官

張拱字能五廬江人乾隆壬申武舉以材技選兵部運羊西域補陝西柳樹澗守備累官定邊副將時甘肅逆回滋事

調拱靜寧新營辦理卡站招募新兵悉中機要以老乞歸  
致呈吏議發往烏魯木齊効力派管鐵場三年所獲鐵溢  
於正額都統宜綿奏

開復補直隸河間府副將乾隆五十九年

予告歸里拱幼失怙承順母教有兄四人事之惟謹嘗捐田五  
十畝爲宗祠祭殯及贍族人之貧乏者卒年八十一歲